

IZVJEŠTAJ
O PROVEDENOJ JAVNOJ RASPRAVI
NA NACRT PROGRAMA PODIZANJA SPOMENIKA I UMJETNIČKIH
SKULPTURA OD ZNAČAJA ZA GRAD SARAJEVO KOJIMA JE GRAD
SARAJEVO INVESTITOR ZA 2022. GODINU

Sarajevo, 29.11.2021. godina.

U skladu sa Zaključkom Gradskog vijeća Grada Sarajeva, broj 01- GV 02-1350/21 od 27.10.2021. godine, provedena je javna rasprava na Nacrt Programa podizanja spomenika i umjetničkih skulptura od značaja za Grad Sarajevo kojima je Grad Sarajevo investitor za 2022. godinu.

Pozivi za učešće u javnoj raspravi su, u skladu sa navedenim Zaključkom, upućeni sljedećim subjektima:

- Klubovi vijećnika u Gradskom vijeću Grada Sarajeva;
- Svim ostalim zainteresovanim subjektima putem linka na web stranici Grada Sarajeva;
- Diskusija, prijedlozi i mišljenja iznesene na sjednici Gradskog vijeća.

Javna rasprava je trajala do 26.11.2021. godine.

U javnoj raspravi učešće je uzeo Gradski vijećnik Nihad Uk na sjednici Gradskog vijeća gdje se razmatrao predloženi materijal te je izneseno sljedeće:

Gradski vijećnik Nihad Uk:

Jos jednom hvala predsjedavajući. Dakle, s obzirom da se radi o Nacrtu Programa naravno, podržat ćemo ispred Kluba uz napomenu da ovaj dio diskusije uđe u javnu raspravu, jer se radi o nacrtu dokumenta Naime, nekad sredinom 2017. godine ovo općinsko vijeće je donijelo, odnosno Gradsko vijeće usvojilo inicijativu da se izgradi spomenik Dariju Džamonji i Kemal Montenu. Par Vijeća poslije toga je, također, kolega Nuko Grebović, tada gradski vijećnik, dopunio tu inicijativu da se tim spomenicima doda i spomenik Esadu Amautaliću preko puta FIS-a, dakle, park gdje se već nalazi spomenik Mirzi Delibašiću i Pimpeku, Davorinu Popoviću. Ovo je ušlo u Program 2018., 2019. i 2020. godine. Čak su i u prošlom budžetu ili ovom budžetu izdvojena sredstva za realizaciju ovog, ove inicijative. Još uvijek to nije učinjeno. A u ovom nacrtu, nažalost, nije čak ni navedeno. Tako da molim gradonačelnicu da uvrsti ova tri spomenika u Program podizanja spomenika za narednu godinu. Ne radi se o finansijski velikim sredstvima koja su potrebna za realizaciju. Čak šta više, mislim da se krenulo sa elaboratima. Postoji lokacija za to i simbolička lokacija prekoputa FIS-a je za ovu trojicu zaslužnih građana Sarajeva. Hvala.

ODGOVOR:

Cijeneći predloženo, moramo ovaj prijedlog izostaviti iz Program podizanja spomenika za narednu godinu, iz razloga što bi za realizaciju navedenih inicijativa za podizanje konkretnih spomenika uvažanim umjetnicima bilo potrebno izvršiti rekonstrukciju trenutnog parka i fontane koja je procijenjena na oko 300.000,00 KM koje Grad Sarajevo u narednoj godini nije u mogućnosti izdvojiti.

Podizanje spomenika navedenim umjetnicima jeste od interesa za Grad Sarajevo prema Zaključku Komisije za spomenike Gradskog vijeća.

Kada se izvrši rekonstrukcija parka preko puta FIS-a, gdje su trenutno postavljene umjetničke skulpture Davorina Popovića i Mirze Delibašića, steći se uslovi za postavljanje još 3 tražena spomenika.